

DROGA ARAZOA PYSBE AUZOAN

Pysbe auzoa 48 etxebizitzek osatzen dute, zeinetan 172 lagun inguru bizi diren. Pasaiako Pysbe entpresak porrot egin zuenean lezoz zuen etxadiaren salmenta burutu zuen ezkutuan eta sozietate baten esku utzi. Dena den, Diputazioaren zorpeko ere bada.

Duela 12 urtetik honantz etxe-erosketaren agiririk ez da banatu. Honela, inongo jabego-agiri eta izkriburik gabe birsaldutako izan dira zenbait etxebizitza (600.000 pezetaraino ere eman dira ordainetan).

Pundu honetaz eta beste batzuetaz hango lau auzotarrarekin mintzatzen ihardun gara.

1º auzotarra.- Hori bai, auzoak bere apioa eta laguntza eskaini dizkio, Pysbe entpresako langile ohi baten semeari auzoko etxebizitzak batetan sartzeko asmorik agertu izan duenean.

2º auzotarra.- Eragabeko etxejabetzeak (atea ostikoz boteaz) eta jabegoz datzeko elkar-ren konponketak gertatu dira, edonolako jende motari sarrera eman zaiolarik. Udalak, bitartean, eskuak garbitu besterik ez du egin auzo honen aurrean.

3º auzotarra.- Auzo honek, arauz kanpoko egoera eta giro honetan, denboragutxi arte oso irudi kaskarra aurkezten zuen hirigintza eta hijiene aldetik. Azken aldiotan, ordea, eta zenbait eskabiren ondoren, Udalak bere gain hartu du bertako bazterren garbiketa, zuhaitzen inausketa, argiketa, e.a.

4º auzotarra.- Arazorik nagusia, halere, drogaren garraiaketa eta banaketa da.

tza da, ezpairik gabe. Agian, auzoaren egoera marjinalak ego-
kiera eman du zenbait jende gizagabea sar zedin bertan eta
droga trafikoari ekin ziezaion.

ASKE.- Hel diezaiogun, bada, arazo larri honi eta nola ematen ari den argi-
tzen saia zaitezte: zenbat jende mugitzen den, nolako maiztasunez,
ze giza motatakoak diren, ze ondorio eta kalte ekarri dizkion auzoa-
ri...

1º auzotarra.- Bai, benetan kezkatzen gaituen problema latza dugu hau. Az-
toraturik jartzen gara, adibidez etxeko haurre korrika dator-
kigunean, esanez: "Aizu, aitatz, hor sotoan mutil ^{bat} pintxatzen
ari da besoa"

2º auzotarra.- Edota kotxe baten gainetik euri tantak jasotzen ikusten ditu-
gunean, heroinarekin batean zainetan sartzeko. Halako zirra-
ra bat ematen dizu!

4º auzotarra.- Bai, tamalgarria da. Edozein bazterretan ikus dezakezu inoiz
bere "nahastura" prestatzen ari den norbait, eta labain ba-
tez mehatxatzen zaituzte hara hurbiltzen bazara.

3º auzotarra.- Badira zenbait txoko gure auzo inguruan (kanposantu bidea,
garbitoki ohiaren ingurualdea...), non jende "berezia" bil-
tzen den eta merkantzia salerosten duen.

ASKE.- Horren aurrean zernola jokatu du auzoak eta ze bid^e hartu izan du?

2º auzotarra.- Udalera jo izan dugu. Bainan, han diotenez, ez omen da u-
daltzainen eremuan eta konpetentzian erortzen, Gobernu Zibi-
laren mende baizik.

1º auzotarra.- Udaletxekoek ere diote "buruetatik" edo droga-banakuntzaren
antolatzaileetatik hasi beharra dagoela. Baina, gure ustez,

hona droga bila datozen gazteei estuki galdetuz gero zerbaiten berri jakingo litzateke ere, drogaren jatorriari dagokionez.

2º auzotarra.- Bestalde, tamalez, arazo honetan jendea ez da mugitzen beste arazoetan bezala.

ASKE.- Aparteko istilurik gertatu al da drogaren eraginez?

4º auzotarra.- Duela ia bi hilabete tiroketak eta labainkadak eman ziren auzo honetan.

2º auzotarra.- Odol gonbituak, ur zikinak, xiringilak, e.a. ikusi ditugu bazterretan.

3º auzotarra.- Gogora dezagun auzo honetatik abiatu zen gazte bat hilik aurkitu zutela orain dela denbora gutxi Andoain aldean.

1º auzotarra.- Eta bai drogatik ateratzeko saioetan ziharduen auzoko gazte bati gehiegizko dosia sarrerazi zioteneko gertaera hura ere gogoan dugu oraindik.

ASKE.- Beraz, gauzak horrela, zer eskatzen diozue auzoari eta herri osoari?

2º auzotarra.- Zuzen ari zara galdera gisa horretan planteiatzerakoan, zeren herri osoaren arazoa bait da hau, eta ez famili batena edo auzo batena soil soilik.

Badakigu jakin, hemendik Lezoko beste auzo batetara pasa direla droga banatzaileak, Ijurkora hain zuzen, eta horiek sendi edo klan berekoak direla (ijitoak).

4º auzotarra.- Gainera, guztiz kezkarria deritzogu jendeak harturik daukan jarrera, arazo honi ezikusia eginez edo berau saihestuz, norbere familia ukitu ez duelakoaren uste edo aitzakiarekin.

ASKE.- Pundu hori aipatu duzunez gero, nondik eta zenbat jende dator zuen

auzora droga bila?

3º auzotarra.- Ezin genezake zehaztu, noski, ze jende mota eta zenbat dato-
rren, bainan, gure iduriko, gutxi gora behera zera esan dai-
teke:

- . Aste barruan, 7-8 bat lagun agertuko dira egunero.
- . Asteburuan, berriz, larunbatean nahiz igandean 15
bat lagun ikusi ahal izan dugu.

4º auzotarra.- Eta jende motari gagozkiola, era batekoak eta bestekoak dato-
zen arren, honela sailka genezazke nagusiki:

- . 30-35 urteko emakumeak (klub edo bizimodu alaia da-
ramaten horietakoak)
- . 16-24 urte bitarteko gazteak.

1º auzotarra.- Hauek gehienbatez kanpotik datoz, baina bada lezoarrik ere
gazte horien artean.

ASKE.- Arazo hau Pysbe auzoan ezezik beste zenbait auzotan kokaturik dagoe-
nez eta herri osoarentzat garrantzizkoa denez, luze-zabal arakatzuz
joango gara hurrengo zenbakietan.

Dena den, herriak eta bertako erakundeek (Udala, elkarteak...) lehen-
baitlehen eskusartu beharko luteke, izurrite hau ezabatzeke.

Jose Luis APERRIBAY